

امریکہ وچ لٹ آتے غریت خلاف لہر

پچھلے مہینے توں امریکہ وچ بینکان آتے ہورناں سودخوراں خلاف آکوپائی
وال سٹریٹ دی لہر زور پھڑ رہی ہے۔ امریکہ دے سینکڑے ہی چھوٹے
آتے وڈے شہراں وچ لوکاں نے دھرنے دتے ہوئے ہن۔ پندراں
اکتوبر نوں نیویارک آتے ہورناں شہراں وچ ہزاراں ہی لوکاں نے
لٹ کھسٹ آتے جنگ دے خلاف مظاہرے کیتے۔

امریکہ وچ پچھلے گجھ سالوں وچ بینکان نے ہزاراں ہی لوکاں نوں
بیگھر کر دتا ہے۔ بہت لوکاں دے گھر گُرک کر دتے گئے ہن آتے
لگھاں ہی لوکاں دے سیراں تے ایہ تلوار کھڑی ہے کہ کسے دن
وی بینک اوناں دے گھر نلام کر سکدے ہن۔

اوباما دی سرکار آتے اوس توں پہلاں بٹش دے سرکار نے کئی ٹرلین
ڈالر سرکاری خزانے وچوں انہاں بینکان نوں دتے ہن پر انہاں
بینکان نے لوکاں نوں سکھ دا ساہ نہیں لین دتا۔ لوک پُچھ رہے
ہن کہ لوکاں دے پیسے وچوں عرباں کھرہاں ڈالر لے کے انہاں بینکان
دی نیت نہیں بھری آتے ایہ لوکاں دی ہور چھل لاه رہے ہن۔

حاکم ٹولے دی آرتھک نیتیاں کارن امریکہ وچ دو کروڑ توں وی زیادہ
لوک بے روزگار ہن۔ اوناں کول روزگار دا کوئی وسیلہ نہیں ہے۔ بینکان
آتے وڈی کمپنیاں دے مُنافے بہت وڈھ رہے ہن۔ سرکار ولوں
انہاں بینکان آتے وڈی کمپنیاں نوں بہت ہی سہولتاں آتے سرکاری
خزانے وچوں عرباں کھرہاں ڈالر دتے جا رہے ہن۔

لوک پُچھ رہے ہن کہ جنگ دے سامان آتے لڑائی تے سرکار
عرباں کھرہاں ڈالر خرچ کر رہی ہے پر لوکاں دیاں لوڑاں تے خرچ
کرن ویلے اوہاما سرکار آتے کانگرس کہہ رہے ہن کہ سرکار کول
پیسہ نہیں ہے آتے سرکار گھاٹے وچ جا رہی ہے آتے اس لئی سماجی
سیواواں وچ کٹوتیاں کرن دی لوڑ ہے۔ صحت، تعلیم آتے لوکاں دیاں
ہور سماجی سیواواں اُپر خرچے وچ بہت کٹوتی کیتی جا رہی ہے۔

اُگپائی وال سٹریٹ دا نعرہ ہے کہ سرکار آتے بینکاں والے ساڈی
۹۹ فی صدی لوکاں دی چھل لاه رہے ہن۔ لوک اس لٹ کھسٹ
نوں ختم کرنا چاہندے ہن۔ انہاں دھرناں وچ نوجوان، مُنڈے کڑیاں،
بزرگ، سیوا-مکت لوکی آتے سماج دے ہر حصے توں لوک شامل ہن۔
ایہ واقعہ ہی ۹۹ فی صدی ہن۔

اوہ سارے فیصلے جمہوری طریقے نال ساریاں دے سامنے کردے ہن آتے
ہریک نوں اپنی رائے دین دا حق ہے۔ ہر روز جنرل اسمبلی وچ لوک
فیصلے کردے ہن۔ لوک تنہاں وچ رہ رہے ہن آتے ساریاں لوڑاں
لئی کمیٹیاں بنیاں ہونیاں ہن۔ اک تنہاں وچ وکیلاں دا ڈیرا ہے تاں
کہ اوہ قانونی صلاح مشورا دے سکے۔ اک تنہاں وچ لنگر دا انتظام
ہے۔ اک تنہاں وچ میڈیا دا دفتر ہے۔ اک ہور تنہاں وچ ڈاکٹراں
دا ڈیرا ہے۔ اس تران دھرنا دین والیاں نے اپنی بستی آتے شہر
قائم کر لیا ہے۔ اُگپائی وال سٹریٹ نیویارک دے لوکاں بارے اک
کھوج پتر نے دسیا ہے کہ تقریباً ستر فی صدی لوک نوجوان ہن
آتے انہاں وچوں سٹھ فی صدی لوک تالمیل دے ذریعے پھیس-بک آتے

ہور دوسرے الیکٹرانک طریقے سانجھے تہاں ورت رہے ہن۔ اس لہر
آتے دھرنیاں دا کوئی اک جاں گجھ لیڈر نہیں ہن۔ سارے لوک آپ
بی لیڈر ہن۔

شہر دے دوسرے لوک دھرنا دے رہے لوکاں دی حمائت وچ رسد، کھانا،
ڈوآئیاں اتے ہور لوڑیندا چیزاں لیاؤندے رہندے ہن اتے اوناں دی
حوصلہ اپھزائی کردے ہن۔ ہر روز کوئی نہ کوئی مشہور دانشور اتے سرگرم
کارکن آؤندے رہندے ہن۔ اگوپائی باسٹن وچ نوم چومسکی اتے نیویارک
وچ جیجک نے آکے ہلہ شیری دتی ہے۔ بہت ساریاں ٹریڈ یونیناں
وی اس لہر نال کھڑیاں ہن۔ باسٹن اتے نیویارک وچ نسلی و تکرے
دے خلاف ہارلم اتے راکسبری جو کہ کالے لوکاں دیاں بستیاں ہن
اوتھے سبھناں نے رل-مل کے راکوپائی دا ہڈن دی مہم شروع کیتی
ہے۔

ہہورناں تھانواں وانگ امریکہ دے لوک وی نویں اُساری دی منگ کر
رہے ہن اتے اوس لئی گھول کر رہے ہن۔ اگوپائی وال سٹریٹ
لہر نویں اُساری لئی اس تانگہ دا ہی اظہار ہے۔ کئی پچھدے ہن
کہ اس لہر دیاں منگاں کیہ ہن؟ اگوپیشن لہر دے کارکناں دا
کہنا ہے کہ اسیں وچار وٹاندرا کر رہے ہاں تاں کہ لوکل اتے
نیشنل منگاں اُلکیاں جا سکن اس لئی اس ویلے اسیں صرف لوکاں
نوں کال دے رہے ہاں کہ اکتھے ہو کے اپنے مثلیاں دا حل
لبھن اتے لوک اکتھے ہو کے وچار وٹاندرا کر رہے ہن۔